

KODAK  
LICENSED PRODUCT

M

Y

C

KODAK Gray Scale



赤水玄珠

八

武  
516  
89



明中武  
516  
89

赤水玄珠第八卷目錄

欬嗽門

欬嗽

赤水玄珠

第八卷目錄



客之則為肺欬所謂肺先受邪也五臟各以其時受病  
王注云時非其時各傳以與之人與天地相參謂正月也故五藏各以治時感於寒則受病微則為欬甚則為泄為痛乘秋則肺先受邪乘春則肝先受之乘夏則心先受之乘至陰則脾先受之乘冬則腎先受之帝曰何以異之岐伯曰肺欬之狀欬而喘息有音甚則吐血取太淵也心欬之狀則心痛喉中介介如梗狀甚則咽腫喉痺取太陵也肝欬之狀則兩脇下痛甚則不可以轉轉則

兩脇下滿取太衝也脾欬之狀則右脇下痛陰陰引肩背甚則不可以動動則欬劇取太白也腎欬之狀則腰背相引而痛甚則欬涎取太溪也帝曰六腑之欬奈何安所受病岐伯曰五臟之欬乃移於府脾欬不已則胃受之胃欬之狀欬而嘔嘔甚則長虫出取三里也肝欬不已則膽受之膽欬之狀欬嘔胆汁取陽陵泉也肺欬不已則大腸受之大腸欬狀欬而遺失取巨虛也心欬不已則小腸受之小腸欬狀欬而失氣氣與欬俱

失<sub>取巨虛也</sub>腎效不已則膀胱受之膀胱效狀效  
 而遺溺<sub>取委中也</sub>久效不已則三焦受之三焦效  
 狀效而腹滿不欲食飲此皆聚於胃關於肺使  
 入多涕唾而面浮腫氣逆也<sub>取支也</sub>帝曰治之柰  
 何岐伯曰治臟者治其俞治府者治其合浮腫  
 者治其經<sub>論效</sub>  
 按素問曰咳嗽煩寃者是腎氣之逆也<sub>示從一陽</sub>  
 發病少氣善欬善泄<sub>夏脉不及則令人上見</sub>  
 咳唾下為氣泄

凡咳嗽面赤胸腹脇常熱惟於足乍有涼時其脉  
 洪者熱痰在胃膈也宜小陷胃湯礞石丸之類  
 清膈降痰甚而不已者宜吐下其痰熱也面白  
 悲噓或脇急脹痛或脉沉絃細遲而咳者寒飲  
 在胃腹也宜辛熱去之

脉治

脉經曰關上脉微為效  
 效而脉弦瀋為少血  
 脉細傷濕

脉緊者肺寒雙弦<sub>寒者</sub>  
 浮緊者虛寒  
 脉浮而緩傷風

數則為熱沉數者裏熱

脈弦為水偏弦為飲

洪滑多痰

脈沉為留飲

肺脈微急為欬而唾血

欬脈浮直者生浮者生

○欬證死脈

欬而脈緊者

欬而羸瘦脈形堅大者

肌瘦下脫形熱不丟

欬而脫形發熱脈小堅急者

咳而嘔腹脹且泄其脈弦急者皆死不治

仲景曰人嗽十年其脈弱者可治實大數者死其

脈虛者必苦胃其人本有支飲在胃中故也治

屬飲家上氣面浮腫有息其脈浮大不治又

加利尤甚脈浮短者其人肺傷諸氣微少不

過一年死法當嗽也欬嗽羸瘦脈形堅大者

死欬而脫形身熱脈小堅急以疾是逆也不

過十五日死全文見診

○論欬與數本一證

子和云內經陰陽應象論云秋傷於濕冬生欬嗽

五臟生成篇云欬嗽上氣診要經終篇云春刺  
秋分環為欬嗽示從容篇云欬嗽煩寃者腎氣  
之逆也此四篇中連言欬嗽其餘篇中止言欬  
而不言嗽如生氣通天論云秋傷於濕上逆而  
咳與大象論文義同而無嗽字乃知咳即嗽明矣  
謹按欬與嗽本兩字義內經已作一證連言之愚  
詳大抵欬者氣動也陽也嗽者兼血也陰也况  
是證其本雖殊其標則一故世俗不以為疑唯  
繫古發內經微旨其義見下

病機機要云欬謂無痰而有聲肺氣傷而不清也  
嗽謂無聲而有痰脾濕動而為痰也咳嗽謂有  
聲有痰也因傷肺氣動於脾濕而然也夏月嗽  
而發熱者謂之熱嗽小柴胡四兩加石膏一兩  
知母半兩冬月嗽而發寒熱謂之寒嗽小青龍  
加杏仁服之蜜煎生姜湯蜜煎橘皮湯燒生姜  
胡桃皆治無痰而嗽者此乃大例更當隨時隨  
證加減之痰而能食者大承氣微下之痰而不  
能食者厚朴湯主之

論嗽分六氣無熱無寒

子和因素問言皮毛者肺之合也邪因而客之則為肺嗽後人見是斷嗽然可以辨其六者之狀風乘肺者日夜無度汗出頭痛痰涎不利熱乘肺者急喘而嗽面赤潮熱手足寒乳子亦每多有之

火乘肺者咳喘上壅涕唾出血甚者七竅血溢燥乘肺者氣壅不利百節內痛頭面汗出寒熱往來皮膚乾燥細瘡燥痒大便秘澀涕唾粘稠

寒乘肺者或因形寒飲冷冬月卧濕地或冒冷風寒秋冬水冷中感之嗽急而喘此非六氣之云乎

論濕痰主嗽

素古曰嗽者秋傷于濕積於脾經曰秋傷於濕冬必欬嗽大抵素秋之氣宜清而肅反動之則氣必上衝而為欬嗽甚則動于濕而為痰也是知脾無留濕雖傷肺氣不為痰也有痰者寒必熱多各隨五臟而治之假令濕在肝經謂之風痰



也濕在心經謂之熱痰濕在脾經謂之濕痰濕  
在肺經謂之氣痰濕在腎經謂之寒痰宜隨證  
而治之效而無痰者以辛甘潤其肺效而嗽者  
治痰為先故以南星半夏勝其痰而嗽自愈枳  
殼陳皮利其氣而痰自下

劉宗厚曰按此論效因濕在於經致痰為效五臟  
亦皆有之可謂發內經之秘矣然至氣鬱津液  
不降或停水飲所致或腎氣虛弱火炎水涸津  
液湧而為痰涎於上此氣飲及真臟為病非諸

經留濕致病也故易老云半夏止能洩痰之標  
而不能治痰之本是矣

丹溪曰咳嗽有風寒有火有痰有勞有肺脹風寒  
者鼻塞聲重惡寒是也宜發散行痰又有聲啞  
及喘嗽遇冬則發皆為寒包熱也解表則熱自  
除感冷則嗽膈上有痰也宜解表豁痰火者有  
聲痰少面赤是也勞者盜汗出煎痰多吐紅作  
寒熱是也宜補陰清金痰者嗽動便有痰出痰  
出嗽止是也主豁痰肺脹者動則喘滿氣急聲

重者是也宜收斂此因火傷極遂成抑遏脹滿  
肺脹抑遏不得眠者難治

飲水一二口而暫止者熱嗽也呷熱湯而暫停者  
冷嗽也熱嗽以小柴胡湯冷嗽理中湯並加五  
味子

又有先因傷濕傷寒解利不盡病雖退然飲食減  
少不生肌肉身倦無力稍勞則躄熱痠痛狀如  
勞症但不吐血不發潮熱經二三年此是餘毒  
伏在經絡其脉弦再發則愈

又有咳而不思食飲此皆痰聚於胃關於肺令人  
多涕唾而面浮腫此氣逆也謂氣上逆肺壅而  
不下治以異功白朮散

治嗽最要分肺虛實新嗽挾虛者可用人參風寒  
邪盛及久嗽熱鬱者切不可用五味子亦然  
凡飲酒後嗽甚者熱嗽也飲酒後嗽減者寒嗽也  
涎稠黃者為熱青白者為寒  
凡嗽春是春升之氣或外感夏是火炎上最重秋  
是濕熱傷肺冬是風寒外束也

丹溪曰上半日嗽多屬胃中有火用貝母石膏降胃火午後嗽多屬陰虛必用四物湯加知母炒栢先降其火黃昏嗽多此火氣浮於肺不宜用涼藥宜五味子五倍子斂而降之  
治嗽藥大槩多用生姜以其辛散也 咳逆非蛤粉青黛瓜蒌貝母不除 有痰者加痰藥 用藥發散之後必以半夏逐其痰庶不再來 治嗽多用粟壳不必疑但要先去病根此收後也 夫咳之為病有一咳則出痰者脾勝濕而痰滑也

有連欬十數聲不出痰者肺燥勝痰濕也滑者宜南星半夏皂角灰之屬燥其脾若利氣之劑所當忌也澁者宜枳殼紫蘇杏仁之屬利其肺若燥肺之劑所當忌也  
咳嗽口燥咽乾有痰不用半夏用瓜蒌貝母 飲水者不用瓜蒌恐滯膈不快

○乾咳嗽

乾咳嗽者無痰出而欬咳連聲者是也此本於氣澁澁之微者欬十數聲方有痰出澁之甚者雖

咳十數聲亦無痰出  
 丹溪云乾咳嗽極難治此係火鬱之症痰鬱火邪  
 在中以苦桔梗開之下用補陰藥不已即成勞  
 倒倉法好此不得志者有之宜用補陰方四物  
 湯加竹瀝炒栢之類  
 陰虛咳嗽四物湯加竹瀝姜汁去之 陰分嗽者  
 多屬陰虛治用知母勿用生姜以其辛散故也  
 肺虛嗽此好色腎虛者有之人參膏以陳皮  
 生姜佐之

○治咳嗽踈表之劑  
 仲景厚朴麻黃湯 效而脉浮者

厚朴<sup>兩五</sup> 麻黃<sup>兩四</sup> 石膏<sup>兩二</sup> 杏仁<sup>半</sup> 半夏  
 枳殼<sup>兩二</sup> 細辛<sup>兩二</sup> 小麥<sup>升一</sup> 五味子<sup>半</sup>  
 右以水一斗三升先煮小麥熟去渣納諸藥  
 煮取三升溫服一升一日三服

三拗湯 治咳嗽感胃風寒鼻塞聲重方在傷  
 敗毒散 治痰嗽身熱鼻塞方在瘟  
 華蓋散 治感寒而嗽方在聲重

赤水... 卷...

蘇子 陳皮 赤茯苓 桑白皮 麻黃各一  
炙甘草 錢五 每服八錢入姜水煎服

橘蘇散 治傷風咳嗽身熱有汗

陳皮 蘇葉 杏仁 五味子 半夏 桑白  
皮炒 貝母 白朮 各錢 甘草 分六

姜三片水煎

神木散 治四時瘟疫發熱惡寒及傷寒咳嗽

蒼朮 兩五 白芷 細辛 羌活 川芎 炙甘  
草 各一 每服五錢姜三片葱白三寸水煎服

若傷風鼻塞可為末以葱茶調下

金佛草散 治感寒咳嗽發熱惡寒無汗

荆芥 兩四 麻黃 錢三 前胡 錢三 炙甘草 赤芍  
藥 半夏 錢一 旋覆花 錢三 分二服每姜三片

水煎服

橘皮湯 治冷嗽

陳皮 紫苑 麻黃 當歸 杏仁 炙甘草  
黃芩 錢各二 分二服水煎服

治暑嗽之劑

赤水

治欬而脉細

白木湯 白茯苓 半夏 各等分每服一兩水

一鍾半姜三片煎調神麩末二錢 一方加

黃芩

白木木香散 喘嗽腫滿欲變水氣者

白木 猪苓 甘草 澤瀉 木香 栝柳 各

西陳皮 兩桂枝 錢二 滑石

右為末每服五錢入姜煎

機要欬氣丸 咳久痰喘肺氣浮腫

陳皮 青皮 栝柳 木香 杏仁 郁李仁

茯苓 澤瀉 當歸 馬兜鈴 苦葶藶 各三

人參 防已 各五錢 牽牛 頭末一 右為末姜汁

糊丸梧子大每服三十九至六十九白湯下

大橘皮湯 感濕面腫上喘

滑石 鈎 炙甘草 木香 栝柳 各一 陳皮 錢三

右分二帖水煎服

千金五味子湯 治咳嗽不已皮膚乾燥唾中有

赤水

卷

註

血胃脇疼痛 五味子 桔梗 紫苑 甘草

續斷 各二錢 竹茹 各三錢 赤小豆 撮 生地 桑白皮 各五錢

錢作二帖 水煎服

冲和神功丸 大黄 煨訶子 麻子仁 人參

右為末 入麻仁 研勻 加煉蜜 為丸 梧子 大每

五十九丸 溫水下

按丹溪曰 訶子治肺氣因火傷極 遂鬱遏脹滿

取其味酸苦有收斂降火之功 若佐以海粉香

附瓜萎青黛半夏曲治嗽非止澁之藥也

楊文治痰嗽利胃膈方

木瓜 姜去子 洗淨 槌破 刮皮 細切 焙乾 半夏 四

十九顆 湯洗十遍 槌碎 焙乾 為末 以洗瓜萎實

熱水并穰同熬成膏 為丸 梧子 大 生姜湯下 二

十九

衍義云 有婦人患肺熱久嗽 身如炙 肌瘦 將成肺

癆 以枇杷葉 木通 款冬 花紫苑 杏仁 桑皮 各等

分 大黃 減半 各如常製 蜜丸 櫻桃 大 食後 夜卧

含化 一丸 未終劑 而愈

丹溪潤肺散 貝母一兩 瓜蒌五錢 青黛五錢

為末姜汁蜜調成膏噙化下

抑痰丸 瓜蒌仁一兩 半夏二錢 貝母三錢

為末炊餅丸麻子大

海蛤丸 咳逆上氣痰飲心痛

海蛤粉煨 為瓜蒌仁同研 和勻為丸麻子大白湯下

杏仁煎 哮喘寒熱噴多喜少而色不潤食少脉

弦緊 杏仁去皮尖 用童便浸一日一換夏月  
一日三換 浸半月 取出洗淨焙乾研令極細每

服一束大用薄荷一葉白蜜少許水一盞煎  
食後服甚不過二劑未瘥

丹溪肺鬱痰嗽睡不安者清化丸 貝母 杏仁

右為末砂糖入姜汁蒸餅丸噙化

潤下丸 治氣實有痰又治積氣并大腸經氣滯

痰嗽 陳皮去白 甘草兩一 食鹽五錢 右以水拌

焙乾為末蒸餅丸如梧子大或為末白湯點  
服立効

治肺燥痰多 煉蜜斤一 北五味兩四 右用五味



入蜜內浸十日，后臨卧挑一匙於口內徐徐嚥下，潤肺消痰。

玉液散 治久近喘嗽口渴

天花粉 知母 貝母 各一人參 甘草 各五錢

右為末，每服二錢，先溶下黃蠟二錢，同入米飲中調下。

○治火熱之劑

丹溪云：火嗽宜清金化痰丸。清化丸與清金丸同用，專治熱嗽及咽痛，蓋苦能燥，濕熱輕能治。

上取燈籠草葉為細末，餅為丸，每服五十九。

清金丸一名與點丸，去肺火降膈上熱痰，與

清化丸同用。黃芩一味炒為末，水丸服。

痰因火動，逆上作嗽者，先治火，次治痰，用知母止

嗽，清肺金，滋陰火。火鬱嗽用訶子、海石、瓜蒌

仁、青黛、半夏、曲、香附以開之。喘嗽不拘老幼

又近上壅善嗽等疾，槐花為末，滴水丸，如梧子

大白湯或姜湯吞。

梔子仁湯 發熱咳嗽煩躁面赤咽痛

本草綱目卷之...

梔子仁 赤芍 大青 知母 升麻

黃芩 石膏 杏仁 柴胡 甘草 二錢

豉百粒水煎服

麥門冬湯 火熱乘肺然唾有血方服

仲景加減小柴胡湯 效而寒熱往來 月嗽發寒

甘草 乾姜 五味子 柴胡 半夏 黃芩

地骨皮散 知母 柴胡 甘草 人參 地骨

皮 茯苓 半夏 姜三片水煎服

王節齋治咳嗽活套

杏仁去皮 橘紅七分 五味子 桔梗 炙甘草

各五

春多上升之氣宜潤肺抑肝加川芎芍藥各一

半夏 門冬 黃芩 知母 各五 若傷風致咳鼻

流清涕宜辛涼解散加防風薄荷紫蘇黃芩

夏多火熱炎上最重宜清金降火加桑白皮知母

黃芩 麥冬 石膏

秋多濕熱傷肺宜清熱瀉濕加蒼朮桑白皮 錢各一

蘇水

卷

其

防風黃芩山梔子炒

冬多風寒外感宜解表行痰加麻黃桂枝半夏生

乾姜防風錢各一肺經素有熱再加酒炒黃芩知

母分各五若發熱頭疼鼻塞聲重再加藁本川芎

前胡柴胡錢各一

若有痰加半夏枳殼風痰加南星濕痰脾困少

食加白朮蒼朮口燥咽乾勿用半夏南星

宜加知母水貝母黃芩瓜蒌仁

若痰積食積作咳嗽者用香附瓜蒌仁貝母海石

青黛半夏曲軟石膏山查子枳實黃連姜汁為

末蜜調噲化

因效而有痰者咳為重主治在肺因痰而致效者

痰為重主治在脾設是食積痰或痰氣上升以

致咳嗽只治其痰消其積而咳自止不必用肺

藥以治咳也

熱嗽咽喉乾痛鼻出熱氣其痰嗽而難出色黃且

濃或帶血綫或出血腥臭或堅如蜆肉不似風

寒之嗽痰清而白宜金佛草散仍以辰砂化痰

示以...

九或薄荷煎八風丹含化 熱嗽於金佛草散  
中加五味杏仁茯苓

有熱嗽咽痛失聲服冷藥而聲愈啞者宜以生薑  
汁調消風散少少進之或只一味姜汁亦得冷  
熱嗽後失音者尤宜嗽而失聲者非獨熱嗽有  
之宜審其症用藥佐以橄欖丸含化仍濃煎獨  
味枇杷葉熟服

有嗽而吐痰與食俱出者此蓋飲食致肝氣不利  
而肺又有客邪肝濁道肺清道清濁相干宜二

陳湯加木香杏仁細辛枳殼

有飲冷熱酒或飲冷水傷肺致嗽俗謂之湊肺宜  
紫苑飲

病嗽者所嗽之痰或痰或濃或時有血腥異常語  
聲不出補肺湯半帖加杏仁貝母欵花阿膠百  
合各五分煎去渣調鍾乳粉 咽痛者更加桔  
梗五分 熱甚者加秦艽五分 嘔者去地黃  
加半夏如其數

時行嗽發熱惡寒頭疼鼻塞氣急參蘇飲加細

辛

治寒痰嗽劑

東垣曰咳嗽脉弦微面白者寒也難經云肺金太過則外症面白善噫悲愁不樂欲哭其內症喘咳上喝逆氣煩心胃滿煩熱夜則涕出多噫鼻塞不通肺金大實以子助母也心脾肺皆受寒邪涎出口甘水反侮土寡于畏也腹中大寒病名曰寒中痰白有泡肺中氣虛而為大寒子助母也當於肺中瀉腎水非辛熱之藥不退也口

甘涎沫者胃中寒而不和以辛甘熱去之飲酒者多有此反化

半夏温肺湯 治心腹中脘痰水冷氣心下汪洋

嘈雜常多唾口中清水自出脇肋急脹痛不欲

食此胃氣虛冷所致其脉沉絃細遲 旋覆花

人參 細辛 桂心 甘草 陳皮 桔梗

芍藥 半夏各五錢 赤茯苓三錢

右每服六錢姜三片水煎服

丁香半夏丸 心下停飲冷痰頭目眩運睡卧口

中多涎 栝柳錢三 丁香各一 半夏各一 細辛各一  
乾姜 人參錢五 右為末 生姜汁為丸 梧子  
大每服三十丸 日三次 姜湯下

姜桂丸 治寒痰咳嗽 脉沉 面色黧黑 小便急痛  
足寒而逆 心多恐怖 天南星 半夏各一  
官桂粗皮 右為末 蒸餅為丸 如桐子 大每

服五七十丸 食後 姜湯下  
治嗽 加減法 如心下痞悶 加枳實五錢 如身  
熱甚 加黃連五錢 如体重 加茯苓白朮各一

兩 如氣上逆者 加苦葶藶五錢 如氣促 加  
人參 桔梗各五錢 如氣浮腫 加郁李仁 杏仁  
各五錢 如大便秘 加大黃五錢

○治氣嗽之劑

羅太無人參款花散 肺胃虛寒 久嗽不已 咽膈  
滿悶 咳嗽痰涎 嘔逆 惡心 腹脇脹滿 腰背疼痛  
或虛勞冷嗽 及遠年近日一切嗽病  
款冬花 人參 五味子 紫苑 杏仁錢八  
木香 栝柳 紫蘇葉 桑白皮各一 半夏各五

錢右煉蜜為丸如芡實大每服一丸食後細嚼

淡姜湯下

治痰壅氣嗽群藥不成功者

大半夏故五十橘紅故十作一帖水二鍾煎至一

鍾不可攪動恐麻入食後連進三帖立效其

名半橘湯

蘇子降氣湯 氣逆咳嗽胃膈痞滿

有入患氣嗽將期或教以橘紅生姜焙乾神曲等  
分末為丸如梧子大食後及夜米飲吞三五

丸舊患膀胱氣因服此并瘳

局方四七湯 治咳而痰涎在咽喉間不下

東垣加減三奇湯 欬逆上氣喘促胃膈不利

桔梗 陳皮 甘草 青皮 人參 紫蘇

桑白皮錢各五 半夏錢七 杏仁錢二 五味子錢四

右每服六七錢入姜煎服

經驗方 治久嗽氣嗽生詞子一枚含之嚥津頻

嚥之瘥後不知食味煎栝柳湯服之便知

滋陰之劑

瓊玉膏 虛勞喘嗽氣促發熱

金櫃腎氣丸 治腎虛不能攝水津液不降致成

痰飲欬逆潮熱盜汗上方見庫

補肺湯 治勞嗽

桑白皮 熟地黄各二兩 人參 紫苑 黃耆

五味子各兩 右每服四錢水煎入蜜少許服

治老人虛嗽久不愈者

人參一兩 胡桃肉 杏仁各五錢 五味子五錢 棗五枚

右作一服水煎食後連三服即愈

黃耆切勞散 治心腎俱勞欬嗽時復三兩聲無

痰夜則發熱熱過即冷時有盜汗四肢倦怠身

勞黃瘦飲食減少唾中有血系名曰肺痿

白芍藥四兩 黃耆 粉草 人參 半夏 熟地

茯苓 杜五味子 歸身 阿膠各兩 右每

服八錢姜三片棗二枚水煎服一日三兩服

紫苑湯 飲食煎燔邪熱傷肺或叫呼走氣咳嗽

咽痒痰多吐血喘急胃滿脇痛

紫苑 款花 百合 杏仁 貝母 蒲黃



經霜桑葉 半夏 犀角屑 炙甘草 人參

各七錢 阿膠 半一錢 分二帖 姜三片 水煎服

天門冬丸 咯血吐血大能潤肺止咳

天門冬 西 杏仁 茯苓 阿膠 各五錢 右為末煉

蜜丸如彈子大 日夜嚙化三五丸 一方有

潤脾膏 治勞証久嗽肺燥肺痿時常服

羊肺具 杏仁 柿霜 真酥 粉 各一兩 白蜜

二右先將羊肺洗淨次將杏仁膏柿霜等白蜜

水解薄打撈五味稀稠得所灌入肺中白水

煮熟如常服之

團參飲子 七情抑鬱飢飽失節咳嗽膿血漸成

肺痿勞瘵 人參 紫苑茸 阿膠 百合

細辛 款花 杏仁 天冬 半夏 經霜桑

葉 五味子 各一兩 炙甘草 五錢 每服六錢 姜五

片水煎服

地黄煎 治肺損吐血嗽血

生地黄 四兩 鹿角膠 兩 右為末 每服三錢 童便

一盞 煖熱入姜汁少許調下 無鹿角膠阿

膠亦可

古方紫苑散

紫苑

款冬花各五錢 百部半二錢

右為末烏梅湯點服姜湯亦可○如嗽加五

味子○喘加杏仁○渴加烏梅○氣逆加橘

紅○頭疼加細辛三錢甘草二錢○氣脫者

加御米壳蜜炒粗末水煎服

臟腑效劑

小柴胡湯

治肝臟發咳兩脇下痛甚則不可以

轉轉則兩脇下滿方見前

黃芩加半夏生姜湯

治膽府發咳嘔苦水若

黃芩 生姜各三錢 炙甘草 芍藥各二錢 大棗枚二

半夏半 右呖咀水煎服

甘桔湯

治心臟發咳而喉中如梗狀甚則咽

腫喉痺方在

芍藥甘草湯

小腸府發咳而失氣

芍藥

炙甘草

各四錢水煎服

升麻飲

脾臟發咳而右脇下痛痛引肩背甚

則不可以動

升麻

白芍

甘草各二錢

升麻

升麻

升麻

葛根 三錢 水煎服

烏梅丸 治胃府發咳，咳而嘔，嘔甚則長虫出。方在玉門

麻黃湯 肺臟發咳，欬而喘息有聲，甚則唾血。

麻黃 錢三 桂枝 錢二 甘草 錢一 杏仁 枚二十 水煎服

赤石脂禹餘糧湯 大腸府發咳，咳而遺溺。

赤石脂 禹餘糧 各二兩 碎 水煎服

麻黃附子細辛湯 腎臟發咳，欬則腰背相引，而

痛甚，則欬涎。麻黃 細辛 各一錢 附子 一錢

水煎服

茯苓甘草湯 膀胱府發欬，欬而遺溺。

茯苓 錢二 桂枝 半錢 生姜 兩 炙 甘草 一錢

水煎服

異功散 久咳不已，三焦受之，其狀欬而腹滿不

欲飲食，此皆聚于胃，干於肺，使入多涕唾，而面

浮腫，氣逆。人參 茯苓 白朮 甘草

陳皮 錢各一 入姜末，水煎服。已上諸方皆傷寒例

藥也，特存之以備其旨。以三因論之，則自有

一臟一腑之病機，亦不止於寒已也。

○食積痰嗽

凡食積痰嗽非青黛瓜蒌仁不除人面青白黄色不常面上如蟹爪路一黄一白者是也

瓜蒌丸 食痰壅滞喘咳

瓜蒌仁 半夏 山查 神曲 各等分为末

以瓜蒌穰拌为丸竹瀝姜汤送下

又方治食積痰嗽

杏仁 蘿蔔子 各二两 为末粥丸服

食積痰作嗽發熱者 半夏 南星 瓜蒌仁

蘿蔔子为佐 青黛使为 石碱使为 随証加减丸服

保和丸 治食積痰嗽飽悶

食飽咳嗽

千金方温脾汤 治食飽便咳

甘草四两 大枣二十枚 水五升煮取二升分三

服若咽中痛而聲鳴者加乾姜一两

○醋搶喉嗽

甘膽丸 治吃醋搶喉因成咳嗽不止諸藥無効

用甘草二两去皮作二寸段中半劈開以猪膽

汁五枚浸三日取出火上炙乾為末煉蜜為丸  
每服四十九茶清吞下卧服神效曾有患此諸  
藥無功服此良愈

○酒熱傷肺咳嗽

丹溪云飲酒傷肺痰嗽以竹瀝煎入葦汁吞

萎仁杏仁黃連丸

又方治酒嗽

青黛瓜蒌仁姜汁蜜丸含化散熱毒也

丹溪白龍丸治酒積有痰

半夏 滑石 茯苓 枯礬

右為末神麩糊為丸

酒病嗽 白礬另研 杏仁升 水一升煎乾攤

新瓦上露一宿砂鍋內炒乾每夜飯後細嚼

杏仁十五枚炒

○痰嗽

局方桔梗湯 除痰下氣胃腸脹滿痰逆惡心飲

食不進 陳皮白去 半夏製 桔梗炒 枳實白去

三兩炒 右末每服四錢水一鍾生姜五片煎服

赤水法味

卷

三

右用陳皮枳實氣充形實者宜之寒者加姜  
桂此小夫南星半夏乃燥濕之劑若嗽而痰  
澁者忌服形肥有汗或脉緩身重嗜卧之  
人有咳者脾濕勝也形瘦或夏月無汗或  
脉澁之人咳者肺燥勝也濕者宜蒼白朮星  
半之屬之是也燥者宜杏仁瓜蒌仁之屬潤  
之是也

寒熱痰咳而嘔吐面腫蚌粉新瓦上燒紅放地  
上出火毒每半兩加青黛五分入麻油數點以

淡齏汁調服妙妙

本事方化痰涎治咳嗽

枯礬二兩白姜蚕炒去糸為末研薄荷今爛

為丸菴荳大每服三十九薄荷湯下日三服

青礞石丸消痰消痞經絡中有痰作痛皆治之

青礞石煨黃芩各五錢半夏二兩風化硝二錢陳皮

茯苓各七錢白朮一兩姜汁打神麴糊為丸

又方礞石丸治痰嗽礞石南星茯苓各

錢半夏七錢風化硝二錢神麴糊為丸

風化硝丸

治痰嗽

黃芩

酒洗一兩半

滑石

白

芥子

去殼各五錢

貝母

南星

各一兩

風化硝

二錢

餛餅丸

羅太無人參半夏丸

化痰墜涎

止嗽定喘或風

痰茶痰食痰一切痰逆嘔吐厥頭痛或風氣偏

正頭風頭目昏眩耳聾鼻塞咽乾胃膈不利

丹溪墜痰丸

治食積痰飲咳嗽痞滿氣逆

枳實

枳殼

各一兩半

明礬

三錢

風化硝

三錢

牙皂角

二錢

黑丑

半斤

取

右以蘿蔔子汁為

丸每服五十九雞鳴時服初有糞次下痰

治久嗽痰積

半夏

二兩

以江子

五錢

打碎同煮半夏

透為度去江子不用

杏仁

兩

以烏梅五錢同

煮去烏梅不用只將半夏杏仁焙乾為末煉蜜

為丸菜菔大量虛實服

痰泡方

若或作白泡當于肺中瀉火

滑石

貝母

南星

半夏

風化硝

白芥

子

陳皮

茯苓

皂角

蒼朮

加溫

瓜蒌仁

枳實

加結

青黛

黃芩

加熱

新水

卷

新

肺脹

仲景曰咳而上氣此為肺脹其人喘目如脫狀脉

浮大者越婢加半夏湯主之麻黃兩石膏半

生姜兩三大棗枚十五甘草兩二半夏半斤以水六

升分溫先煮麻黃去沫內諸藥同煎至二升分溫

肺脹欬而上氣煩躁而喘脉浮者心下有水小青

龍加石膏兩麻黃兩芍藥兩桂枝兩細辛兩

甘草兩乾姜兩五味子兩半夏兩石膏兩

水一斗先煮麻黃去沫內諸藥煮取三升分溫壯

人服一升弱者減之日三服仲景之治乃

傷寒法也邪從皮毛而入皮毛者肺之合也

故肺脹以散邪為重丹溪之治乃陰虛火動

火逼肺金及濁痰瘀血凝結於內故治以收

斂消痰之劑

丹溪云肺脹而咳者用訶子青黛杏仁訶子能

治肺氣因火傷極遂成鬱遏脹滿不得眠一邊

取其味酸苦有收斂降火之功佐以海石香附

瓜蒌仁青黛半夏麩姜蜜丸喻香附須用章便浸三日



氣鬱痰嗽睡不安宜清化丸貝母杏仁為末砂糖入姜汁餽餅為丸噙化

肺脹而嗽或左或右不得眠此痰挾瘀血礙氣而病宜養血以流動乎氣降火疎肝以清痰四物加桃仁訶子青皮竹瀝之類

一法灸之妙左不得眠者灸右足三陰艾右不得眠者灸左足立安

張光一年四十二患肺脹咳嗽或左或右不得眠此痰挾瘀血礙氣而病降火疎肝以清其痰四

物湯加桃仁訶子青皮竹瀝八帖而安

乾咳嗽

前治燥條杏仁青黛貝母瓜蒌等潤劑皆可用

本事補肺法

生地黄洗淨杏仁二生姜蜜各四右搗如泥

入瓦盆中置飯上蒸五七度每五更挑下

一中年婦人乾咳寸脉滑動似豈狀餘皆散大不浮左大于右每五更躁熱有汗但怒氣則甚與桔梗不開諸藥無効遂以石膏香附為君芩連青黛瓜蒌仁陳皮黃栢當歸桔梗為臣五味砂

仁川芎紫苑佐之凡二十餘帖而安

咳嗽喉中作聲

咳嗽氣急喉聲如鼾者為虛

一男子五十餘歲病傷寒咳嗽聲如鼾與獨參湯

一服而鼾聲稍止至二三帖嗽亦漸退凡服三

劑始得全愈

喉如水鷄聲者為實

仲景治效而上氣喉中水雞聲射干麻黃湯主之

射干三兩麻黃兩生薑各四兩細辛兩紫苑兩款冬兩

花各三兩大棗枚七五味子半夏升各半水一斗二

升先煮麻黃兩沸去上沫納諸藥煮取三升

分溫三服取此虛實二條為治規

暴嗽失音

千金治暴熱嗽方杏仁紫蘇子斤陳皮一兩

柴胡兩四水一斗者三升分三服

又方治暴嗽

百部藤根搗自然汁和蜜等分沸煎成膏嚥之

貝母散暴發效嗽多日不愈

赤水

三三

貝貝母 桑皮炒 五味子 炙甘草各五錢 知母二錢

洋款花二兩 杏仁三錢 每服一兩姜三片水煎服

白規殼散 治暴嗽

白規殼洗淨 研細粥飯下

三拗湯 治寒燥不常暴嗽喘急鼻塞痰壅方是前味表條下

一服散 治暴嗽 生姜片 阿膠二片 烏梅二枚

甘草一錢 紫蘇片 杏仁七枚 大半夏三枚 嬰粟

殼三 水煎臨睡服

治久嗽失音

真蘇子二兩 杏仁三十枚 訶子一枚 百藥煎二兩

為末熱酒調一錢

治暴失音

用猪脂油一觔入鍋先煉出渣入白蜜一斤再

煉少頃瀘過淨磁器內冷定成膏不時挑一茶

匙噙化大能潤肺出聲

治失音不語

訶子四半 桔梗半 甘草二寸

分三服水一鍾章便一鍾煎服

治父寒痰結咽喉音不出

桂心 草烏字各一半夏錢五 右為細末姜汁浸

蒸餅為丸如芡實大每服一九至夜噙化

治謳歌失音 連翹 桔梗 甘草各二兩半薄荷兩四

訶子肉 砂仁 大黃各一兩 川芎兩半 百藥煎兩二

右為細末鷄子清丸如彈子大每服一九臨

卧噙化

治失音不語

百藥煎 杏仁 百合 訶子肉 苡仁 等分

為末以鷄子清和丸如彈子大每臨卧噙化

治失聲 皂角皮一挺子去蘿蔔三片水一碗煎至半

碗服之不過三服能使語聲出

杏仁煎 治嗽失音不出

杏仁兩三 生姜汁 蜜糖各一兩 木通 桑皮 貝

母各一分 紫苑 五味子各一兩 一方加知母一

兩款冬花一兩水三升煎半升去渣入杏仁

蜜糖姜汁再熬成稀膏食後臨卧每服 匙

含化 一方有石菖蒲

訶子飲 治久嗽語聲不出

訶子肉 杏仁錢各一通草半錢分二服每服水

二鍾姜三片煎一鍾食遠溫服

一方 治暴嗽失聲語不出

杏仁 姜汁 砂糖 蜜 五味 紫苑各三

通草 貝母各四桑白皮兩五右九味咬咀以

水九升煮取三升去滓內杏仁脂姜汁蜜糖

和攪微火煎取四升初服三合日再服後

稍加

又方 通聲膏

五味 款冬花 通草各三人參 細辛 青

竹皮 桂心 菖蒲各二杏仁 姜汁各一升

白蜜和東膏酥升三右十三味咬咀以水五

升微火煎二上三下去查內姜汁東膏酥蜜

煎令調和酒服大二九

○久嗽

羅太無柴胡飲 治虛勞羸瘦面黃無力減食盜

汗咳嗽不止 柴胡 知母 鱉甲酥各

五味子錢五地骨皮兩半 右為末每服三錢烏梅

二枚青蒿五葉水煎服

本事驚甲丸 治勞嗽虛証及鼻流清涕耳作蟬

鳴眼見中黑花一切虛証丈夫婦人皆可服

五味子兩驚甲 地骨皮兩 右為末煉蜜

丸如梧子大空心食前溫酒或鹽湯任意服

三五十九丸婦人醋湯下 此方延曲江人家

秘方服効者衆且處方有理

丹溪蛤蚧丸 肺臟內傷咳嗽氣急久不除漸羸

瘦スルニ 蛤蚧去一兩炙 訶子肉根細辛 炙甘草

熟地 阿膠成蛤粉炒 麥門冬各五錢 為末蜜丸

每一兩分十五丸每含化一九

貝母湯 諸嗽久不瘥

貝母一兩去心 黃芩 桑皮各五錢 乾生薑 五

味子 陳皮 半夏 柴胡 桂心各一兩 木香

甘草各半錢 右每服六錢加杏仁七枚投之一

服瘥以治諸般嗽通用悉効者緣方內有寒

有熱有收有散也

潔古枳殼湯 日久痰嗽胃膈不利上焦多熱

枳殼兩炒三桔梗兩黃芩半一兩每早取二兩半水

三盞煎一盞半日三服三日服盡再服後半夏湯

生半夏湯 半夏三錢半水盞半姜五片煎至一

盞食後服一日三服服三日了再服枳殼丸

其痰為度論曰先消胃中痰氣后去膈上痰再

與枳木丸謂首尾合治其氣令痰不復也

丹溪久嗽丸子 海蛤粉 膽星臣杏仁臣訶子

佐青黛佐皂角使右為末姜汁丸如梧子大

姜湯下

久嗽乃積痰久留肺腕粘滯如膠氣不升降或挾

濕與酒而作 香附浸便姜炒海蛤粉 瓜

蒺仁 蜂房 杏仁 姜汁 竹瀝 神麩

各等分蜜調噙化

夏月無汗成久咳嗽汗方在

衍義治久咳膿血胃膈咽痛

蛤蚧 阿膠 生犀角 鹿角膠 羚羊角

各一兩除膠外皆為末入膠河水三升煮半

升臨睡細呷愈

療三十年嗽以百部根二十觔搗絞取汁煎之如

飴服二匙一日三服驗以外臺和飴一斤熬成煎

以白蜜二升更煎

百一方治久咳嗽上氣十年諸藥治不瘥以鰻

鰻除翅足炙令存性為末飲服之

紫苑散久嗽多年不愈

紫苑兩二款花兩二為末米飲調服一錢日三次

三物湯大人小兒久嗽神效

桑皮蜜百部根 馬兜鈴 等分水煎服

清金湯 遠年近日咳嗽上氣喘急喉中涎声留

滿氣逆坐卧不安 嬰粟殼蜜人參 粉草各五

錢陳皮 茯苓 杏仁 阿膠 五味 桑皮

改仁 紫蘇 百合 貝母 半夏麴 款花

每服六錢姜三片東二枚烏梅半箇水煎服

○收斂之劑肺收斂急食酸以收之

羅太無九仙散 治一切咳嗽

桑皮 人參 桔梗 阿膠 五味子 烏梅



欵花 各一兩 貝母 錢五 嬰粟殼 蜜炒八兩

右為末 每服三錢 白湯調服 嗽止住 后服

欵花清肺散 治咳嗽喘促 胃膈不利 不得安卧

人參 炙甘草 枯礬 烏梅 連核搗碎 欵花 各一兩

粟殼 醋炒四兩 甜葶藶 生用一錢 右為末 每服二錢 溫

米飲湯調服 食後忌油膩 節言語

人參清肺湯 治男婦肺胃虛寒 咳嗽氣急 胃膈咽

塞 腹脇脹滿 迫塞短氣 喜飲冷 咽嗑隱痛 及

癆肺痿 勞吐血 腥臭 乾嘔 煩熱 聲音不出 肌肉

消瘦 倦怠 減食 烏梅 地骨皮 人參 炙

甘草 阿膠 炒 杏仁 去皮 桑皮 知母 粟

殼 去鬚蒂各一兩 右每服四錢 烏梅一枚 水煎服

人參欵花散 咳嗽久不愈者

人參 欵花 各五錢 知母 貝母 半夏 各三錢

粟殼 炒一兩 右每服六錢 烏梅同煎服

人參養肺湯 肺痿咳嗽 痰午後熱 并声颯者

人參 炙甘草 阿膠珠 各一錢 茯苓 一錢 貝母

柴胡 錢四 杏仁 五味 桔梗 各半 桑皮 錢二 枳實

半錢 右每服八錢 生姜三片 枣一枚 食後溫服  
減柴胡 茯苓 五味 貝母 桔梗 枳實 加地骨皮  
知母 烏梅 嬰粟殼 即上入參清肺湯已上  
乃御米殼 烏梅 例收後藥也  
丹溪謂 黃昏 嗽者 火浮于肺 以酸味 飲而降之 用  
訶子 五味 五倍子 白礬 等是也

○雜方

血竭散 治勞嗽 見血 諸治不效

蛤蚧 一對 訶子 錢三 血竭 錢一 三味 共為末 以姜

汁 與蜜 等分 熬膏 入前末 調三五分 服效

治咳嗽 感冒方 及痰嗽 熱嗽

雪梨一箇 開一竅 入明礬一錢 用紙封固 灰火  
中煨令礬化 梨熟為度 食之立愈 甚者不過枚  
又方 治痰嗽

細芽茶三四兩 濃煎 瀝去渣 好蜜六兩 水內 煎  
滾 抹去沫 入濃茶內 同煮二三沸 露一宿 空心  
溫服 一碗 二三次 全愈

阿膠散 一切咳嗽 虛人 老人 皆可服

阿膠 馬兜鈴各一兩 五靈脂 桑皮錢一 炙甘草  
草半錢 右為末每服一錢水一鍾煎六分食  
後夜卧通口服

當歸散 治男婦因打撲負重辛苦勞力傷損肺  
臟既損遇風寒則為咳嗽或咯紫血宜此藥去  
心肺之瘀血仍灸肺俞穴 蘇木 生地黃  
當歸 大黃 芍藥 等分為末每服四錢或  
水酒煎服亦可

活血飲 自裁得效方治怒氣積血在胃脇咳嗽

年久不愈每咳則隱而痛 滑石錢五 杏仁  
錢紅花分五 桔梗分五 粉草分四 瓜蒌錢二 丹皮分八 茜根  
分貝母分八 柴胡分五 香附分五 水煎服  
躰厚者加大黃川山甲或作末以韭菜汁拌  
為丸服

本事 治十六般哮喘

阿膠兩 炒一馬兜鈴 炙甘草 半夏姜汁浸  
人參錢五 杏仁去皮米 右為末每服一大錢水  
一盞煎至七分臨卧食後服

隨病看湯使為引  
 心嗽面赤或汗流加乾葛煎  
 肝嗽眼泪出加  
 烏梅丁枚大棗十四粒煎  
 脾嗽不思飲食或惡  
 心一兩時入姜二片煎  
 胃嗽吐逆酸水入蛤粉  
 煎膽嗽冷入不睡加茯神五分  
 茶清調下  
 膈  
 咳嗽出痰如員塊  
 生姜汁調藥嚥下  
 勞嗽入  
 紫朮末煎  
 血嗽連頓不住  
 當歸末  
 枣子同煎  
 暴嗽涕唾稠粘  
 入烏梅  
 生姜同煎  
 產嗽背  
 脚痛甘草三寸黃蠟少許同煎  
 氣嗽肚痛脹

滿入青皮去白同煎  
 熱嗽夜甚蜜一匙葱白  
 同煎  
 哮喘喉如拽鋸  
 入半夏三枚同煎  
 腎  
 嗽入黃耆白飴糖同煎  
 上件十六般嗽依法  
 煎服無不効驗  
 此方京都一家專治此疾  
 因中  
 官厚賂始得其方  
 屢試有効  
 本事劫痰方  
 治癆嗽及哮喘痰湧  
 青黛錢三辰砂辰砂雄黃雄黃明凡明凡信石生用各  
 右俱為極細末  
 淡薑豉一百粒湯浸去殼研  
 如膏入藥丸如梧子大  
 臨卧冷茶吞下丸

赤火  
 卷  
 四

瓊珠散 治咳嗽不問遠近其効如神

桑白皮兩四 五味子兩二 甘草兩二 陳皮兩二 粟殼斤一  
去蒂膜用醋浸三日 晒干再入醋浸晒干 右為末用冷蜜湯調服

忌煎燻油膩酒醎酸等物

潤肺湯 治上感下虛脾肺濕熱遠年近日氣喘

咳嗽痰盛心胃氣悶不思飲食或寒熱往來或

感冒風寒喘嗽氣急五癆七傷吐血等症並皆

治之 知母錢二 紫苑錢五 山梔仁錢五 甘草錢一

麻黃半 去白沫湯泡 荆芥錢五 馬兜鈴錢五

前胡錢二 赤芍錢一 桑白皮錢二 皮用蜜炒紅 半夏錢三

湯泡七次 赤茯苓錢二 杏仁錢五 研成泥皮 黃芩錢二

半去 如婦人加當歸川芎生地黃牡丹皮各一

此藥製度每服一兩四錢半用水二大鍾半

姜五片初感風寒加葱白三根久患咳嗽加東

二枚不用葱白煎至一鍾半去滓臨睡候將身

右卧用絹帛頂住右軟肚次用竹筒緩吸藥

熱服不言語呼喚切忌房勞

○ 妊娠咳嗽

馬兜鈴散

治胎氣壅塞咳嗽喘息

馬兜鈴

桔梗

人參

甘草

貝母

各五錢

橘紅

紫蘇

大腹皮

桑皮

五味

各一錢五

每服六錢姜四片水煎服

麻黃散

姪娘外傷風冷痰逆咳嗽不食

麻黃

前胡

橘紅

半夏

人參

白朮

枳殼

貝母

甘草

各五錢

每服六錢姜四片

葱白五根棗二枚水煎服

竹茹紫苑湯

咳嗽不止胎不安

紫苑

天冬

桔梗

甘草

杏仁

桑皮

各二錢半

每服五錢竹茹一塊水煎去渣入蜜半匙再煎二沸溫服

天門冬湯

氣逆咳嗽

天冬

貝母

人參

甘草

桑皮

桔梗

紫蘇

赤茯苓

麻黃

去節

各五錢

每服六錢姜四片水煎服

大宮詹少溪吳馭閱校

卷之二

大宮 皇極經世一具 皇極經世

皇極經世一具 皇極經世

皇極經世一具 皇極經世

皇極經世一具 皇極經世

皇極經世一具 皇極經世

皇極經世一具 皇極經世

皇極經世一具 皇極經世

終

